



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1521. usque ad annum 1525

Fleury, Claude

August. Vind. [u.a.], 1769

VD18 90118472

§. 110. Pertinax Helvetiorum concilium de prælio ineundo.

[urn:nbn:de:hbz:466:1-66495](#)

Sæcul. XVI. tabantur. Medio autem agmini præ-

A.C. 1522

rat Lautrecus, cui Chabanius Marescallus, & Sabaudiæ nothus parere jussi sunt. Postremam denique aciem consti-
tuebant Veneti, qui nulli præter Urbini-
natis Ducem, qui ipsis præerat, obedi-
re voluerunt. Omnes autem has copias
præibat Petrus Navarrus cum suis Va-
sconum legionibus, multisque fossori-
bus, qui vias æquarent. Partitis ita

Guicce. l. 14.

curis Lescunus Marescallus ad lævam
declinans, circuitu facto Fœderatorum
pontem cum suis equitibus ex improvi-
so capere constituit, Helvetiis interim
recta ad munimenta properantibus:
Lautrecus autem ad dexterum cornu
procedebat, & Urbinatis Dux collem oc-
cupabat, ubi ab hostium incursu tutus
erat. Refert Guicciardinus, Lescunum
jussisse, ut sui milites rubram Crucem
deferrent, hoc stratagemate Cæsareos,
qui itidem hac tessera utebantur, dece-
pturus, eisque persuasurus, perinde ac-
si in eorum auxilium accurrere vellet.

§. CX.

Pertinax Helvetiorum consilium de prælio ineundo.

**M. m du Bel.
lai l. 2.**

Cum interea Prosper Columna per suos
exploratores Gallorum consilia e-
doceretur, Franciscum Sfortiam cum
suis

suis sex Germanorum peditum millibus Sæcul **XVI.**
 Mediolano ad se advocabat , reliquas **A.C. 1522.**
 vero Fœderatorum copias in aciem col-
 locabat, dato negotio, ut signa inferen-
 tibus strenue resisterent. Jamjam Helve-
 tii, qui Gallorum stipendia merebantur,
 fossis colle tectis appropinquabant, sub-
 sistere tamen jussi , donec tormenta ac
 fossores Navarrenses accederent, ac ip-
 semet Lescunus ad præstitutam statio-
 nem perveniret, ut postmodum uno eo-
 demque tempore duplex in hostem irru-
 ptio fieret.

§. CXI.

*Tria Helvetiorum millia in prælio
 trucidata.*

Nihi lominus Helvetii Gallorum mo-
 nita surdis auribus excipientes fos-
 sam, quæ obstabat , superare aggredi-
 untur, ut exteriorem illius loricam tran-
 scandere possent: cum vero toto corpo-
 re tormentorum ictibus expositi essent,
 priusquam fossam adorirentur , selectio-
 ris militiæ viros amiserunt, ceteris om-
 ni impetu in fossam irruentibus , quam
 cum adeo profundam experirentur, ut
 hastarum suarum cuspidे vix aggeres
 attingerent, illam superare minime poter-
 ant, nihilo secius tamen mœnibus ob-
 versam fossæ crepidinem aggredi nite-
 bantur,